

Ársskýrsla stjórnar L. H.

Starfsárið 1985-'86
og
reikningar ársins 1985



Bændahöll · 107 Reykjavík · Sími 91-29899 og 19200

SKÝRSLA STJÓRNAR LANDSSAMBANDS HESTAMANNAFÉLAGA

STARFSÁRIÐ 1985-1986

1. STJÓRN.

Starfsárið 1985-1986 skipuðu eftirtaldir aðilar stjórn Landssambands hestamannafélaga:

Aðalstjórn:

Formaður: Stefán Pálsson, Kópavogi.
Varaformaður: Leifur Kr. Jóhannesson, Mosfellssveit.
Ritari: Kári Arnórsson, Reykjavík.
Féhirðir: Gunnar Gunnarsson, Arnarstöðum, Árn.
Meðstjórnendur: Egill Bjarnason, Sauðárkróki,
Guðrún Gunnarsdóttir, Hvanneyri, Borg.
Skúli Kristjánsson, Svignaskarði, Mýr.
Varastjórn: Jón Ólafur Sigfússon, Akureyri.
Kristbjörg Eyvindsdóttir, Reykjavík.
Guðmundur Jónsson, Mosfellssveit.
Sigbjörn Björnsson, Mýrasýslu,
Sigfús Guðmundsson, Geldingaholti, Árn.

2. STARFSMENN OG SKRIFSTOFA L.H.

Miklar breytingar urðu á starfsliði á árinu og allri skrifstofuaðstöðu. Sigurður Ragnarsson sem verið hefur framkvæmdastjóri s.l. fjögur ár hætti störfum í febrúarbyrjun. Við starfi hans sem framkvæmdastjóri tók Guðmundur Ó. Guðmundsson sem hestamönnum er að góðu kunnur. Eg tel það mikið lán fyrir samtökin að fá til starfa mann sem er jafn nákunnugur starfi og uppbyggingu L.H. Jafnframt því að bjóða Guðmund velkominn eru Sigurði færðar bestu þakkir fyrir hans störf með óskum um velfarnað í nýju starfi í þágu hestamanna við útflutning hrossa. Þá flutti skrifstofa L.H. frá Snorrabraut 54 í Bændahöllina í janúarlok s.l. Með flutningi skrifstofu L.H. og skrifstofu "Hestsins okkar" sem var í sameiginlegu húsnæði á Snorrabrautinni í tvö notaleg skrifstofuherbergi í Bændahöllinni er vel séð fyrir allri aðstöðu til næstu framtíðar, auk þess sem aðgangur fékkst að fundarherbergjum.

Á árinu voru haldnir 14 stjórnarfundir og voru þeir allir boðaðir bæði aðal- og varastjórn, þannig áttu allir að hafa tækifæri til að fylgjast með því sem stjórnin fjallaði um og koma fram með hugmyndir. Auk þess voru haldnir ýmsir smærri fundir um fjölmörg

málefni sem nefndir fengu til úrlausnar. Skrifstofan er í vaxandi mæli heimsótt af hestamönnum til viðræðna og úrlausnar hinna ýmsu mála svo sem vegna mótahalds o. fl. Undirbúningur landsmótsins fór fram á vegum framkvæmdanefndar landsmótsins sem með ýmis atriði leitaði þá til skrifstofunnar til úrlausnar.

Þá fór nokkur tími í blaðið "Hesta" bæði við innheimtu eldri reikninga, en blaðið "Hestar" var prentað á Akureyri í ár og fór mikil undirbúningsvinna fram þar. Sérstök ástæða er til að þakka varastjórnarmanni Jóni Ólafi Sigfússyni fyrir hans vinnu í sambandi við útgáfu blaðsins. Það hefur áður komið fram að mjög mikil vinna er við útgáfu blaðs sem þessa og hæpið að tekjur skili sér miðað við þá miklu vinnu sem fylgir útgáfunni.

"Með jóreyknum" fréttir frá stjórn og skrifstofu var sent út til félaganna í marz með því blaði er reynt að segja frá því helsta sem er að gerast á hverjum tíma.

Skrifstofan er opin alla virka daga frá kl. 09-17 eins og áður.

FÉLAGSBÚNINGAR.

Á stjórnarfundi 25. febr. s.l. var samþykkt umsókn hestamannafél. Grana á Húsavík. Búningurinn er dökkblár jakki, svartar buxur, hvít skyrt og rautt bindi. Félagsmerki á brjóstvasa. Skrifstofa L.H. óskar eftir ljósmyndum af búningum allra félaga, sem slíka eiga. Myndasafn L.H. er ófullkomið að þessu leyti og þörf úrbóta. Óskað er eftir því að félögin setji sig í samband við framkvæmdastjórn L.H. til úrbóta í þessu máli.

STAÐFESTING META.

Stjórnin staðfesti nýtt Íslandsmet í 250 m folahlaupi 17,3 sek. Það var sett af hestinum Lótusi frá Götu, Hvolhreppi, Rang. Eigandi hestsins er Kristinn Guðnason, Skarði, Landssveit, Rang. og metið sett á Melgerðismelum 28. júlí 1985. Eftir að ósamhljóða yfirlýsingar höfðu komið fyrir Mótanefnd og málið tekið fyrir oftast en einu sinni, klofnaði nefndin í málinu. Stjórn L.H. ákvað að taka gilda aldursgreiningu yfirdýralæknis og staðfesti metið á þeirri forsendu, að ekki væri stætt á því að véfengja hana. Það er mjög erfitt að fara með mál sem þessi þegar vottorð fyrri eigenda stangast fullkomlega á og tæpast annað hægt en byggja á úrskurði yfirdýralæknis sem aldursgreinir hross til útflutnings.

Á stjórnarfundi 22. október 1986 lá fyrir umsókn, frá Hestamannafélaginu Fákí, um staðfestingu á nýju ísl. meti í 250 m. skeiði. Hesturinn Leistur frá Keldudal hljóp á 21.4 sek. á Hvítasunnukappreiðum Fáks s.l. vor. Stjórn L.H. samþykkti samhljóða að staðfesta metið.

ÚTHLUTUN REIÐVEGAFJÁR.

Í nefnd um úthlutn reiðvegafjár áttu sæti Leifur Kr. Jóhannesson, Gunnar B. Gunnarsson og Kári Arnórsson. Nefndin lauk störfum 18. febr. og gerði að tillögu sinni: "Félög á þeim svæðum, sem haldin eru fjórðungs- eða landsmót, sitji að öðru jöfnu að úthlutun reiðvegafjár. Þess vegna kemur meginhluti úthlutunar að þessu sinni til félaga á Suðurlandi. Nefndin áskilur sér rétt til að verja hluta af reiðvegafé til sérstakra verkefna, ef þannig stendur á".

Til ráðstöfunar á þessu ári var 1 milljón króna, sem úthlutað var þannig:

Geysir	250 þús.
Sleipnir	250 -
Fákur og Hörður	150 -
Háfeti	100 -
Máni	100 -
Ljúfur	50 -
Andvari	30 -
Gustur	30 -
Smári	20 -
Stormur	20 -

SAMNINGUR VIÐ FÉLAG TAMNINGAMANNA.

Leitað var eftir samstarfi við Félag hrossabænda vegna viðræðna um gjald fyrir tamningar á s.l. vetri en Félag tamningamanna auglýsti einhliða gjald í blöðum í nóvember. Það var sameiginlegt álit F.H. og L.H. að semja ætti um þessa hluti.

Í samninganefnd frá L.H. voru settir þeir Stefán Pálsson og Leifur Kr. Jóhannesson en frá F.H. þeir Sigurður Gunnarsson og Kjartan Georgsson. Þrátt fyrir nokkrar viðræður um gjalddöku tókust ekki samningar, enda nokkuð áliðið vetrar. Var gengið frá bókun 3. marz sem var yfirlýsing um viðmiðunargjald kr. 7.500.- fyrir mánaðar fóður og tamningu fyrir þá sem minni reynslu hefðu og kr. 8.500.- fyrir tamningamenn með mikla reynslu. Var einnig bókað um það að samningar yrðu að fara fram í október/nóvember ár hvert.

Þá fóru einnig fram viðræður milli L.H. og reiðkennaradeildar F.T. Gengið var frá svofelldum samningi.

Samningur um laun reiðkennara innan Félags tamningamanna annars vegar og Landssambands hestamannafélaga hins vegar:

Sú breyting hefir orðið á með samningi þessum, að nú er tekið tillit til starfsaldurs og reynslu og í því sambandi settir upp þrír launaflokkar, eftir starfsaldri:

- A. 1. Reiðkennarar með allt að 3ja ára starfsreynslu kr. 1.000,- á mann
 2. - - 3ja til 7 ára - - 1.600,- - -
 3. - - 7 ára starfsreynslu eða meir - 1.900,- - -
 4. Sérstök námskeið fyrir unglinga - 1.000,- í 2. og 3.fl.
- 800,- í 1. fl.
- B. Gert er ráð fyrir að hámarksfjöldi á námskeiði sé 12 manns.
- C. Námskeið standi minnst 10 klst. og byggist bæði á bóklegu og verklegu námi.
- D. Gjald fyrir unglinga miðast við að þeir séu í sérstöku unglinganám-skeiði, en séu þeir í flokki með fullorðnum, þá greiði þeir sama gjald og fullorðnir.
- E. Sé kennari ekki búsettur á svæðinu, greiðist ferðakostnaður til og frá námskeiðssvæði samkvæmt samkomulagi milli hestamannafélaga og kennara (og er heimilt að leggja hann á þátttökugjald).
- F. Samkomulag þetta gildir eingöngu milli reiðkennara F.T. og L.H. og er gildistími þess frá undirskrift. Óheimilt er að aðrir noti texta

þessa, en samkomulagið tilgreinir og gildir ekki fyrir leið-beinendur byrjenda, sem staðist hafa námskeið L.H. Samkomulag þetta gildir ekki fyrir æskulýðsstarf hestamannafélaga og bæjar-félaga.

Reykjavík, 3. mars 1986.

MÓTADAGAR FÉLAGANNA.

Mótanefnd raðaði niður umsóknum frá 25 félögum á fundi sínum 14. febrúar. Það gekk árekstralaust og síðan var endanleg mótsskrá frágengin á skrifstofu L.H. 5. mars. Samvinna þarf að vera við Dómarafélag L.H. um þessi mál, til að auðvelda félögunum að fá dómara til starfa.

SVÆÐISFUNDIR.

Haldnir voru svæðisfundir bæði á norðurlandi vestra og vesturlandi. Fundir voru haldnir í Víðihlíð, V-Hún. og Miðgarði í Skagafirði í marz og í Búðardal, Akranesi og Stykkishólmi í apríl. Stjórnarmenn ásamt framkvæmdastjóra mættu á fundina þar sem voru til umræðu helstu málefni sem unnið er að. Fundirnir voru fjölsóttir og er það mat stjórnar að þetta fundaform sé á margan hátt gott til að fá ábendingar fyrir stjórn og miðla upplýsingum af skrifstofu.

DÓMARAFRÆÐSLA.

Gæðinga- og unglinganefnd L.H. undir formennsku Jóns Guðmundssonar stóð fyrir námskeiði fyrir verðandi landsdómara. Námskeiðið tókst vel og varð hlutaðeigendum til sóma. Samtímis var haldið endurhæf-ingarnámskeið fyrir starfandi landsdómara.

Mótanefnd bauð uppá námskeið fyrir starfsmenn kappreiða og átti að halda það í Reykjavík snemma í apríl. Enginn áhugi virtist vera á slíku suðvestanlands, og lítill annars staðar frá. Námskeiðinu var aflýst.

BLAÐIÐ "HESTAR"

Blaðið "Hestar" kom út eins og undanfarin ár en nú aðeins 24 síður í stað 40 síðna áður. Efnið skiptist þannig að um 13 síður voru auglýsingar en 11 síður efni og myndir. Ritstjóri blaðsins var að þessu sinni Ólafur H. Torfason, blaðamaður á Akureyri, og var blaðið unnið að öllu leyti í Dagsprenti h.f. á Akureyri. Auglýsingaöflun annaðist Eiríkur Jónsson ásamt ýmsum stjórnarmönnum og framkvæmdastjóra. Skrifstofa L.H. annaðist dreifingu og var blaðinu að venju dreift meðal allra félagsmanna L.H. og á ýmsa fjölfarna staði víðs vegar um landið. Meðal efnis í blaðinu var viðtal við þau hjón Guðrúnu Gunnarsdóttur og Ingimar Sveinsson frá Egilsstöðum, sem nú búa á Hvanneyri, viðtal við Pál Bjarka Pálsson tæmingamann í Garðhúsum í Skagafirði og hrossaræktarbúið á Hólum í Hjaltadal heimsótt. Auk þess var ýmiss annar fróðleikur í blaðinu. Öflun efnis og vinnsla gekk heldur treglega og kom þar margt til. Kom blaðið ekki út fyrr en í síðustu viku júnímánaðar sem var mun seinna en stefnt hafði verið að í upphafi. Varðandi tekjur L.H. af útgáfu þessari vísast til reikninga þeirra sem hér liggja frammi.

FJÓRÐUNGSMÓT Á NORDURLANDI.

Stjórn L.H. fól Grími Gíslasyni á Blönduósi að boða fund norðlensku hestamannafélaganna vegna undirbúnings Fjórðungsmóts 1987. Sá fundur var haldinn á Akureyri 26. apríl s.l. Ákveðið var að halda mótið á Melgerðismelum í Eyjafirði á vori komanda.

LANDSMÓTIÐ 1986.

Landsmót hestamanna var haldið á Helli 2. til 6. júlí. Þegar stjórn L.H. fól sunnlensku hestamannafélögunum að sjá um rekstur mótsins skipuðu þau með sér fulltrúaráð sem síðan kaus eftirfarandi fimm menn í framkvæmdanefnd.

Gunnar Jóhannsson	Geysi	formaður
Örn Ingólfsson	Fáki	gjaldkeri
Hreinn Árnason	Gusti	ritari
Bjarni Ansnes	Smára	
Sigurður Haraldsson	L.H.	

Nefndin hélt 55 fundi og réði til sín Kjartan Ólafsson sem framkvæmdastjóra.

Mótuð var sú stefna strax, að takmarka fjölda hrossa frá síðasta Landsmóti til að fyrirbyggja að dagskráin yrði ekki of viðamikil. Heildarfjöldi hrossa sem lauk dómi, er sem hér segir:

A. fl. gæðinga	67	B. fl. gæðinga	68
Eldri fl. unglinga	61	Yngri fl. unglinga	54
Töltkæppni	16		
Stóðhestar með afkv.	8	Hryssur með afkv.	8
Stóðhestar 6v. og eldri	13	Hryssur 6v. og eldri	37
- 5v.	6	- 5v.	12
- 4v	7	- 4v.	14

Samið var við Rangárbakka s.f. um leigu á félagssvæði Geysis. (Rangárbakkar s.f. er nýstofnað sameignarfélag hestamannafélaganna frá Hellisheiði austur að Lómagnúp um uppbyggingu og rekstur svæðisins). Mótssvæðið var leigt á 16% aðgangseyri auk þess sem Rangárbakkar s.f. héldu veitingaleyfinu.

Það er mat framkvæmdanefndarinnar að það sé rangt að undanskilja veitingareksturinn frá öðrum rekstri mótsins, því hætta er á að skipulag hans verði ekki í takt við annað skipulag mótsins.

Uppbygging svæðisins og aðstaða var eins og best verður á kosið. Glæsilegt stóðhestahús var byggt. Salernisaðstaða var til fyrirmyndar með tilkomu nýs salernishúss á aðalsvæði auk smærri húsa á tjaldsvæðum. Vellir voru mjög góðir. Skemmtileg nýjung var reynd í gæðingakeppninni. Keppt var á nýrri gerð hringvallar sem hafði

styttri skammhliðar en lengri langhliðar, auk þess sem yfirferðarbraut var byggð á ská í gegnum völlinn og gekk hún út úr honum horn í horn. Var það samdóma mat keppenda og áhorfenda, að vel hafi til tekist, hefði kraftur og fjör íslenska hestsins notið sín mun betur á þessum velli en hinum hefðbundna 300 m velli.

Á mótinu var bryddað upp á þeirri nýjung að fara í sameiginlegan reiðtúr um Rangárvelli með takmarkaðri þátttöku við eitt hundrað, þar sem grillað var í Reiðarvatnsrétt. Geysilegur áhugi var á túrnum svo fjölgað var í hópnum svo endanleg tala var 180 manns.

Sú uppbygging sem gerð hefur verið með áður nefndum mannvirkjum auk ræktunar 200 hektara lands sem ekki var nýtt nú nema fyrir keppnishross af ótta við of mikið álag fyrsta árið, hefur skilað sér í einu besta mótssvæði landsins. Svæðið er mjög rúmt því allir hlutir eru á sama stað, vellir, tjaldsvæði og hagagirðingar.

Félögin sem stóðu að rekstri mótsins unnu flest störf á mótinu í sjálfboðavinnu, var það hvað erfiðast í rekstri mótsins hvað sumir virtu ekki áður samþykktu vinnuskyldu. Nefndin ákvað strax að gæta ítrustu varfærni í fjármálum án þess þó að láta það koma niður á mótshaldinu.

Til að vekja athygli á mótinu setti hún á svið með aðstoð góðra manna kaupstaðarferð frá Hellu til Reykjavíkur og til Hellu aftur.

Kaupstaðarferðin fékk verðskuldaða athygli í fjölmiðlum og var því auglýsingakostnaður í lágmarki, en mótið var fjölmennasta Landsmót sem haldið hefur verið.

Rekstrarafkoma var góð en lokauppgjör liggur ekki fyrir, en verður væntanlega til í byrjun nóvember.

KVIKMYND AF LANDSMÓTI

Kvikmynd frá Landsmóti er á vinnslustigi. Verið er að klippa myndina, en kvikmyndum annaðist Hrif en Ragnar Tómasson var fulltrúi L.H. við kvikmyndagerðina. Er þá komið að því að fullvinna hana. Síðan þarf að gera texta við endanlegt eintak og setja inn tónlist. Óvíst er hvenær myndin verður fullbúin en gera má ráð fyrir að það verði um miðjan vetur. Þá þarf að athuga með erlendar textaútgáfur.

HESTURINN OKKAR

26. árgangur "Hestsins okkar" er nú til umfjöllunar. Út komu fimm tölublöð, en í tilefni 25 ára afmælis blaðsins 1984, var ákveðið, að fjölga tölublöðum úr fjórum í fimm á ári hverju. Umfang 26. árgangsins er sem hér segir:

1. tbl.	40 bls.	
2. "	44 "	
3. "	44 "	
4. "	100 "	
5. "	104 "	Samtals 332 blaðsíður.

Að venju voru auglýsingar í lágmarki og fjárhagur blaðsins nokkuð góður.

Sýnt er, að u.þ.b. 70% áskrifenda blaðsins greiða áskriftina án verulegs eftirrekstrar. Þetta eru ekki nógu góðar heimtur. Reynt hefur verið að stytta þennan skuldalista, en árangur ekki orðið sem skyldi.

Okkur, sem að útgáfunni stöndum, þykir gleðilegt, að nú tókst okkur loks varðandi ættbókina, að sópa upp nánast allar gamlar syndir og því öll ættbókarfærð hross komin á skýrslu í blaðinu enda varð fimmta tölublaðið frekar bók en blað.

Starfslið blaðsins var það sama og árið á undan, Albert í Skógum ritstjóri og Valdimar Kristinsson ritstjórnarfulltrúi.

Einnig situr sama fólk í ritnefnd:

Kristján Guðmundsson, formaður Reykjavík
Bragi Björgmundsson, Bolungarvík
Gunnar Jónsson, Egilsstöðum
Hannes Hjartarson, Akranesi
Jón Steingrímsson, Reykjavík
Jónas Vigfússon, Eyjafirði
Kristján Benjamínsson, Reykjavík
Sigrún Sigurðardóttir, Garðabæ
Sigurður Haukur Guðjónsson, Reykjavík.

FRÁ FRÆDSLUNEFND.

Fræðslunefnd hefur litið starfað þetta ár.

Af ásettu ráði ver dregið úr virkni nefndarinnar. Nefndin hefur að fullu gengið frá bæklingi "Um fóðrun" eftir Guðmund Jónsson, búfræðing. Bæklingurinn liggur tilbúinn til prentunar á skrifstofu L.H.

Einnig er handrit eftir Kristbjörgu Eyvindsdóttur tilbúið til setningar. Þetta er bæklingur sem ætlaður er byrjendum í hestamennsku, börnum sem öðrum. Einfaldur bæklingur um járningar var langt kominn, en vegna útkomu bókar um járningar s.l. vetur var ekki hert á vinnu við frágang hans. Frumvinna við útgáfu myndbanda frá fyrri landsmótum var langt komin, en slegið á frest. Ástæður þessa eru m.a. þær að eftirspurn eftir fræðsluefni virðist í minna lagi. L.H. hefur t.d. gefið út og lagt mikla vinnu í vandaðan bækling um hesthúsbyggingar sem kom út s.l. haust en sala hans og annarra fræðslugagna hefur verið mjög dræm.

Ástæður geta verið þrengri fjárráð og líka meira framboð fræðsluefnis þar sem blöðin Eiðfaxi, Hesturinn okkar, Hestar og Bóndinn hafa öll verið með lesefni fyrir hestamenn. Á vegum fræðslunefndar hefur verið gerður listi yfir fyrirlesara, sem félögum L.H. er bent á að hafa samband við, um fræðsluefni. Þessir listar eru sígildir og hafa þeir t.d. birst "Í jóreyknum" og eru til á skrifstofu L.H.

Góðri frumvinnu við kennslugögn fyrir væntanlegan reiðskóla og kennslu í hestamennsku við bændaskólana þarf að ýta áfram í félagskerfi hestamanna og bænda.

FRÁ GÆÐINGA OG UNGLINGANEFND

Í nefndinni áttu sæti:

Guðmundur Jónsson
Jón Guðmundsson
Sigrún Sigurðardóttir
Sigurður Haraldsson
Þórður Axelsson

Til nefndarinnar barst eitt mál frá 36. ársþingi L.H. um sérstaka úrslitakeppni í unglingaflokkum.

Prófun fór fram á Hvítasunnumóti Fáks og var nefndin sammála um að mæla með samþykkt þessarar tillögu.

Aðalstarf nefndarinnar var að undirbúa og sjá um landsdómararáðstefnu sem haldin var að Brúarlandi dagana 24.-26. apríl 1986. Að þessu sinni var sá háttur hafður á að mönnum var skipt í starfshópa sem fjölluðu um helstu atriði gæðingadóma. Gæðinganefnd fjallaði töluvert um stefnumörkun í gæðingakeppninni og lagði fram á ráðstefnunni bókun um markmið gæðingakeppninnar sem var samþykkt af ráðstefnunni. Samhliða ráðstefnunni var haldið landsdómaranámskeið þar sem útskrifaðir voru 9 landsdómarar.

Þeir voru:

Agnar Kristjánsson
Benedikt Garðarsson
Guðlaugur Antonsson
Haraldur Torfason
Jóhann Friðgeirsson
Jóhann Þorsteinsson
Jón F. Hansson
Óli P. Gunnarsson
Sveinn Vilhjálmsson

FRÁ SÝNINGARNEFND

Þann 18. apríl 1986 kom sýningarnefnd B.Í. og L.H. saman til fundar í Bændahöllinni. Mætt var fullskípuð nefnd, en hana skipa nú: Þorkell Bjarnason, Guðmundur Sigurðsson, Skúli Ö. Kristjánsson, Sveinn Guðmundsson og Steinþór Runólfsson.

Þorkell Bjarnason setti fundinn og gat þess í upphafi að breyting hefði orðið á skipan nefndarinnar. B.Í. leysi að sínum hluta fulltrúa úr hópi starfandi ráðunauta. Einar E. Gíslason hefði látið af störfum sem ráðunautur og væri þá sjálfkrafa út úr nefndinni. Þorkell bar fram þakki til Einars fyrir vel unnin störf og gott samstarf á liðnum árum og tóku fundarmenn í sama streng.

Að því loknu nefndi hann Steinþór Runólfsson fundarritara með samþykki annarra fundarmanna.

1. Þorkell hóf umræðu um kröfur um lágmarkseinkunnir sem kynbótahross þyrftu að ná til þess að öðlast rétt til þátttöku á næsta landsmóti. Tildrög þessarar umræðu væri sú ákvörðun sem hann hafði staðið að og tekið með framkvæmdanefnd væntanlegs landsmóts að hækka lágmarkseinkunn fyrir afkvæmahópa úr 7,90 í 8,00. Hann hefði talið óhætt að herða þessi mörk nú m.a. í ljósi þeirrar aðsóknar sem var að síðasta fjórðungs-móti. Þá væri eðlilegt að ræða einnig um fjölda afkvæma sem þyrftu að fylgja hverri hryssu í afkvæmadómi. Með núverandi formi væri oft matsatriði hvernig raða ætti hryssum sem hefðu mismörg afkvæmi með sér.

Í umræðum fundarmanna komu fram upplýsingar um viðbrögð manna við þessum breytingum á lágmarkseinkunnum, m.a. frá hrossaræktarsamböndunum og allmörgum svæðafundum sem haldnir höfðu verið á vegum L.H. Þá væru og líkur á að þetta yrði síðasta landsmótið þar sem unnið yrði eftir þessu kerfi. Skammt virtist í að nýjar reglur yrðu teknar upp í framhaldi af rannsóknum og tillögum þeirra dr. Þorvaldar Árnasonar og Kristins Huga-sonar. Eftir ítarlegri umræðu gerði sýningarnefnd það að tillögu sinni að:

- a) Lágmarkseinkunn fyrir afkvæmahópa til þátttöku á Landsmóti verði 7,90
- b) Dómur á kynbótahryssu byggðist á minnst þremur dæmdum afkvæmum.

2. Þorkell Bjarnason vakti máls á þeirri breytingu sem gerð hefur verið á dómstiganum þar sem vægi tölts er aukið. Eftir nokkra umræðu samþykkti nefndin einróma að ekki yrði hróflað við eldri dómum.
3. Tilnefningar búnaðarsambandanna í héraðsdómnefndir. Þorkell skýrði frá því að borist hefðu tilnefningar frá meirihluta þeirra sem í hlut ættu. Fullnaðarskrá lægi þó ekki fyrir.
4. Rætt var um skipan dómnefndar á landsmóti og hugmyndir ræddar sem Þorkell tók að sér að leggja fyrir B.Í.
5. Aðild 4 vetra hrossa að landsmótum. Ströng þjálfun og álag það sem sýningum fylgir gengur oft nærri þreki hrossa. Dæmi eru þess að þau fyllist kvíða og reyni á ýmsan hátt að koma sér undan þeim kröfum sem til þeirra eru gerðar. Rétt þótti að koma af stað umræðu um þetta mál á vettvangi L.H. og ræktunarmanna um þátttöku 4 vetra hrossa.
6. Þorkell skýrði frá því að væntanleg væri fljótlega á markað bókina "Hrossaræktin" sem B.Í. gefur út. Þar er m.a. að finna nafnaskrá yfir öll hross sem tekin hafa verið í ættbók frá 1961-1985.

FRÁ ÍPRÓTTARÁÐI.

Íþróttaráð L.H. starfaði með svipuðu sniði og undanfarin ár. Það voru haldnir 6 stjórnarfundir á árinu, auk óformlegra funda.

Stjórn Íþróttaráðs skipuðu:

Sveinn Jónsson formaður,
Hlédís Sveinsdóttir, ritari,
Lisbet Sæmundssen, gjaldkeri,
Ragnar Tómasson, varaformaður,
Jóhannes Þ. Jónsson,
Ingimar Ingimarsson og
Þorsteinn H. Stefánsson.

Helstu samþykktir sem gerðar voru á síðasta ársþingi.

1. Reglur um skipan landsliðs Íslands í hestaíþróttum á Evrópumótum.
2. Íslandsmót verði haldið eitt og sér, aðra eða þriðju helgi í ágúst ár hvert.
3. Á Íslandsmóti er heimil röðun frá 6. - 10. sæti í úrslitum í tölti, fjórgangi og fimmgangi.
4. Í keppni í fimmgangi skal skeið sýnt á beinni braut sem sé ca 100 m að lengd.
5. Stofnun félags dómara í hestaíþróttum.
- A. Stjórn Íþróttaráðs L.H. gekkst fyrir opnum umræðufundi um mál-efni F.E.I.F., sem haldinn var í Félagsheimili Fáks 29. nóv. Var fundur þessi mjög gagnlegur og stefnumarkandi.
- B. Haldin voru dómaramámskeið á 3 stöðum. Í Reykjavík voru útskrifaðir 7 dómarar og 5 hlýðnidómarar. Á Akureyri voru útskrifaðir 15 dómarar og í Keflavík 5 dómarar. Leiðbeinendur á námskeiðum þessum voru Ragnar Tómasson og Sveinn Jónsson í Reykjavík, Þorsteinn H. Stefánsson Matthías Gestsson og Sveinn Jónsson á Akureyri og Hallgrímur Jóhannesson og Sveinn Jónsson í Keflavík.
- C. Dómarafélag í hestaíþróttum var stofnað 10. júní í Reykjavík og 25. júlí á Akureyri. Í stjórn eiga sæti Ragnar Tómasson formaður, meðstjórnendur Birgir Árnason og Sveinn Jónsson og varastjórn Hafliði Gíslason og Þorsteinn H. Stefánsson.
- D. Íslandsmót í hestaíþróttum var haldið dagana 8. og 9. ágúst á Víðivöllum í Reykjavík. Íþróttadeild Fáks sá um framkvæmd mótsins, sem tókst í alla staði mjög vel.
- E. Norðurlandamót í hestaíþróttum fór fram í Finnlandi 1.-3. ágúst. Enginn keppandi var fyrir Íslands hönd. Tveir dómarar voru frá Íslandi, Þorvaldur H. Kolbeins og Sveinn Jónsson. Mót þetta var frábært. Næsta mót verður haldið í Vargarda í Svíþjóð 1988.
- F. Íþróttaráð tilnefndi 5 dómara í töltkeppni sem haldin var á landsmótinu, en var að öðru leyti ekki falið að sjá um framkvæmd keppinnar.
- G. Ekki er vitað hvað margar íþróttadeildir hafa sótt um inngöngu í Í.S.I. Íþróttadeild Sörla hefur fengið inngöngu, en þarf að breyta lögum deildarinnar örlítið.
- H. Reynt hefur verið að hafa allan tilkostnað Íþróttaráðs í lágmarki, t.d. stóðu dómaramámskeiðin undir sér fjárhagslega með þátttökugjöldum og stjórn L.H. hefur greitt auglýsingar og ferðakostnað tveggja stjórnarmanna af norðurlandi.
- I. Mjög brýnt er að kjósa í nefndir til undirbúnings næsta Evrópumóts sem haldið verður í Austurríki í ágúst n.k.

YFIRLIT YFIR VERKEFNI STJÓRNAR FEIF 1986.

Eins og flestum er kunnugt er L.H. eitt af landssamböndum innan Evrópusamtaka um íslenska hestinn. Ráðstefnur, fundir, upplýsingar og ráðgjöf um ræktun og viðhald íslenska hestsins er markmið FEIF og leita þau samtök eftir sem nánastri samvinnu við þau lönd sem íslenski hesturinn hefur þegar numið land og á vinsældum að fagna. Ísland er að sjálfsögðu eitt af forystulöndum í þessu markmiði og héðan hefur verið reynt að stuðla að samskiptum milli landa sem mest má vera. Ísland hefur mann í stjórn og er það nú Sigurður Ragnarsson, auk þess sem dómarar eru að verða sér meira meðvitaðir um stöðu sportmála og hafa aukið tengsl við sambærilega dómara innan FEIF. Verður hér getið helstu málaflokka sem stjórn FEIF hefur haft til umfjöllunar.

FEIF annáll 1986.

Samskipti milli landa hafa verið með ágætum og hefur verið skipst á leiðbeiningum og upplýsingum og með vaxandi hestaverslun hefur Ísland komið meira við sögu en oft áður.

Ræktunarmálin eru oft til umræðu og nefndir starfa í landssamtökum víða í Evrópu og hefur samstarf við íslenska ráðunauta t.a.m. Þorkel Bjarnason aukist verulega.

Íþróttamálin eru stöðugt til umræðu og dómarar vinna að endurbótum á dómstigum og framkvæmd keppnisreglna fyrir næsta E.M. í Austurríki 1987. Má reikna með fundi í haust og vetur um þau mál. Dómarar hafa farið utan frá Íslandi til að dæma í Norðurlandamóti, í ágúst og á þýska meistaramótið og e.t.v. víðar.

Unglingabúðir voru settar á laggirnar í Hollandi í ágúst og komu þangað unglingar frá ýmsum FEIF löndum. Þótti það takast vel, en því miður var enginn þátttakandi frá Íslandi.

Aðalfundur FEIF var haldin í júlí í Reykjavík í tengslum við Landsmótið. Þangað komu fulltrúar frá flestum FEIF-löndum auk áheyrnar fulltrúa frá U.S.A. og stóra Bretlandi. Engar meiriháttar breytingar voru gerðar og í stjórnarkosningu var fulltrúi Íslands Sigurður Ragnarsson, endurkjörinn til næstu tveggja ára. Nokkrar breytingar urðu í stjórn og var Svein Bakke, Noregi, kosinn sem upplýsinga- og blaðafulltrúi samtakanna. Á fundinum var samþykkt að fresta inngöngu

U.S.A. og Bretlands, þar sem ekki tókst að samræma sjónarmið um skráningu hrossa sem ræktuð eru erlendis m.s. í þessum löndum, af íslensku kyni. Biður það næsta aðalfundar að taka ákvörðun um þau sjónarmið.

Stjórn samtakanna hefur haldið þrjá fundi á árinu og tengjast þeir ýmsum atvikum sem skipta máli og auðvelda stjórnarmönnum að hittast, s.s. skoðun á næsta mótsstað í Austurríki, Landsmótið á Íslandi o.fl. þ.h. Stjórnin vinnur að ýmsum málum til samræmingar á milli landanna og til að auka útbreiðslu og þekkingu fóksins á hestinum. Þá hefur forsetinn það hlutverk að afgreiða mál sem þarfnast daglegra samskipta í samráði við stjórnarmenn eftir málaflokkum.

Næsta Evrópumót verður haldið í Austurríki í byrjun ágúst 1987, og er undirbúningur á fullu í tengslum við það. Mótsstaðurinn heitir Weistrach í litlu þorpi um hálf tíma akstur frá borginni Litz.

Frostmerkingar: Stjórn FEIF hefur í undirbúningi frostmerkingar sem öll aðildarlöndin koma til með að nota, en ekki hefur verið tekin ákvörðun um hvenær það verður tekið til endanlegrar framkvæmdar. Er höfð hliðsjón af reynslu Íslendinga á þessu sviði og gæti orðið hvatning okkar að þetta verði almennt í notkun.

Vinabæjartengsl: Mikið hefur verið rætt um vinabæjartengsl milli landa og geysimargir unglingar hafa áhuga á Íslandi, til dvalar í sveit eða hjá hestafólki í stuttan tíma. Á móti væri hægt að veita íslenskum unglingum sama möguleika til dvalar erlendis, líkt og um skiptinema væri að ræða.

Kynbótasýningar á EM eru stöðugt í umræðu hjá stjórn, en ekki er en komin endanleg tillaga um framkvæmd slíkrar sýningar. Telja allir að slík sýning sé bæði nauðsynleg og skemmtileg og er stefnt að henni í tengslum við næsta EM.

Norðurlandamót var haldið í Finnlandi, og þótti takast ágætlega þrátt fyrir reynsluleysi Finna í mótahaldi. Nutu þeir aðstoðar Svía og Dana. Um þetta mál var skrifað í Eiðfaxa í september. Íslenskir dómarar voru meðal annars við dómarastörf á þessu móti.

Hér hefur verið stiklað á stóru í helstu málefnum FEIF á þessu ári og reynt í stuttu máli að upplýsa um stöðu mál. Ýmis mál þyrfti

lengri umfjöllunar og ítarlegri, en ekki verður það rakið að sinni. Loks má geta að út er kominn bók um sextán ár í sögu FEIF, á þýsku og ensku. Höfundar eru Dr. Ewald Isenbügel og Gunnar Jónsson. Er þar stiklað á stóru um málefni og tilgang, tilurð og verkefni FEIF á þessum árum, sem liðin eru frá upphafi og stofnun Evrópusamtakanna.

REIÐHÖLL Í VÍÐIDAL.

Unnið er að fullu að byggingu hússins. Þann 23/5 1986 var auglýst útboð í jarðvinnu. Við opnun tilboða kom í ljós að tilboð frá Bergás s/f var lægst, eð 59,8% af kostnaðaráætlun og var því samið við þann verktaka. Verkinu hefur miðað frekar hægt en það má segja að 1. lotu sé að mestu lokið, sem er ýting á lausum jarðvegi og sprengingar í húsgrunni. Lotu nr. 2 á verktaki að vera búinn að skila fyrir vorið 1987 og felst í þeirri lotu jarðvegsskifti og grófjöfnun á bílastæðum. Nýlega voru opnuð tilboð í útboðsverk 2, sem er undirstöður og var Byggingafélagið Frami með lægsta tilboðið og var samið við þá verktaka. Þeir eiga að skila því verki fyrir 15. nóv. 1986. Tilboð þeirra hljóðaði uppá 78,4% af kostnaðaráætlun en það má geta þess að sú kostnaðaráætlun var töluvert hærri en menn höfðu gert ráð fyrir. Þegar verkþætti tvö er lokið er hugmyndin að reisa húsið í vetur og gera það fokhelt fyrir vorið, og er von um að hægt verði að nýta húsið í tengslum við landbúnaðarsýningu sem halda á í ágúst 1987.

Á síðasta aðalfundi var hlutafé hækkað úr 10 millj. í 20 millj. og hluthöfum boðinn forkaupsréttur. Söfnun hlutafjár er stöðugt verkefni og vantar töluvert uppá að söfnun hlutafjár sé lokið. Enn vantar marga úr röðum hestamanna bæði einstaklinga og félög hestamanna. Fyrir utan L.H., F.I. og F.H. eru nú eftirtalin hestamannafélög hluthafar: Fákur, Andvari, Hörður, Gustur, Máni og Trausti.

Fyrirhugað er að setja af stað mjög veglegt happdrætti með fjölda góðra vinninga að verðmæti um 9 hundruð þús. króna og á miðinn að kosta 500 kr. Upplag verður 7500 eða um það bil sami fjöldi sem skráður er hjá aðildarfélögum L.H. Til að glæða sölu á miðunum á að draga einungis úr seldum miðum. Söluþyrirkomulag hefur ekki verið ákveðið, en sú hugmynd hefur komið að dreifa miðum á hestamannafélögin og veita þeim ákveðna prósentu á hvern seldan miða þannig að þau sjá hag sinn í því að selja sem flesta miða og mundu líta á það sem fjáröflun fyrir sitt félag.

Aðalfundur Reiðhallarinnar h.f. var haldinn föstudaginn 21. mars 1986 í félagsheimili Fáks. Stjórn Reiðhallarinnar h.f. hefur haldið fjóra fundi síðan aðalfundur var haldinn.

Í stjórn voru valdir samkvæmt tilnefningu frá bændasamtökunum:

Magnús Sigsteinsson, til vara Agnar Guðnason.

Frá Landssambandi hestamannafélaga:

Gísli B. Björnsson, til vara Skúli Ö. Kristjánsson.

Frá Félagi hrossabænda:

Sigurður J. Línadal, til vara Kjartan Georgsson.

Frá Hestamannafélaginu Fáki:

Sigurbjörn Bárðarson, til vara Birgir R. Gunnarsson.

Kosnir á aðalfundi af hluthöfum:

Ragnheiður Sigurgrímsdóttir, til vara Ágúst Oddsson.

Gunnar Rúnar Magnússon, til vara Gísli Ellertsson.

Rosemarie Þorleifsdóttir, til vara Sigurður Gunnarsson.

Í bygginganefnd voru eftirtaldir kosnir:

Ágúst Oddsson, Birgir R. Gunnarsson, Sigurbjörn Bárðarson
og Magnús Sigsteinsson.

Framkvæmdastjóri er Gylfi Geirsson.

NÁTTÚRUVERNDARRÁÐ, ÁNINGARSTAÐIR OG FERÐAMÁL HESTAMANNA.

Þann 27. maí hittust í húsakynnum Náttúruverndarráðs við Hverfisgötu: Kári Arnórsson, Leifur Kr. Jóhannesson og Guðm. Ó. Guðmundsson frá L.H. og Einar E. Sæmundsen, Gísli Gíslason og Þóroddur Þóroddsson frá Náttúruverndarráði.

Tildrög fundarins voru að kynna og kynnast viðhorfum þessara aðila til ferðamáta og umgengni við landið. Fjölgun ferðamanna, jafnt ríðandi sem akandi um hálendið er vaxandi áhyggjuefni hugsandi fólks. Áningarstaðir eru gjörsamlega vanbúnir til þess að taka við þessari fjölgun eins og sakir standa.

Náttúruverndarráð sér beinlínis um vernduð svæði á nokkrum stöðum á landinu. Má þar nefna Jökulsárgljúfur í N-Þing. og landssvæði á Fjallabaksleið. Þar gilda ákveðnar reglur um umgengni fólks sem þarf að kynna sér áður en ferðast er. Náttúruverndarráð gaf út leiðbeiningar um ferðir ríðandi fólks í Jökulsárgljúfrum, sem birtar voru í blöðum norðanlands, Eiðföxa og "Hestinum okkar" auk þess, sem flestum hestamannafélögum á norðurlandi var sent bréflega.

Það er vaxandi atvinnuvegur að koma ferðafólki á hestbak. Hálendisferðir eru einkar vinsælar. Af litlum efnum lét L.H. gera áningarhólf í Hvítárnesi, Hveravöllum og Álfatakrok. Þau hólf eru mikið notuð en gjald kemur ekki á móti. Verður því kostnaðurinn þeim samfara þungur í skauti í framtíðinni við óbreyttar aðstæður. Augljóst er að sinna verður þessum þætti ferðamála meir en verið hefir, koma upp áningarstöðum sem standa undir nafni, gæta þeirra þessa tvo mánuði sem umferðin varir sumar hvert og reikna með að ferðamenn gjaldi fyrir greiðann. Er þá átt við vörslu, fóður og hútaskjól.

L.H. gerði tilraun með heysölu á Hveravöllum s.l. sumar. Einar Höskuldsson á Mosfelli og félagar komu heyr frameftir og veðurathugunarfólkið annaðist sölu, sem var að vísu lítil, en kom sér engu að síður vel. Þá var einnig til sölu hey við Ströngukvísl og í Bugum á Eyvindarstaðaheiði á vegum upprekstrarfélagsins þar.

Hveravellir eru vafalaust fjölfarnasti áningarstaðurinn á meginhálendinu. L.H. lagði nokkurt fé til viðbótarbyggingar á hesthúsi upprekstrarfélagsins og þar verður heygeymsla í framtíðinni. Bindum við vonir við gott samkomulag og greiðasemi hestamanna og heimafólks á staðnum um þessa fyrirgreiðslu við ríðandi ferðamenn.

Eins og kunnugt er, þá rekur L.H. áningarstaðinn í Skógarhólum í félagi við Þingvallanefnd og Þjóðgarðsvörð. Nefndin greiðir vörslumanni laun að mestu og hálfan girðingakostnað. Eins og fram kemur á reikningum s.l. árs, var talsverðu til kostnað á s.l. ári svo segja má að staðurinn sé nú í viðunandi ástandi.

Gísli Jónsson og Erna Gunnarsdóttir á Kirkjulandi hafa gætt staðarins í 3 sumur af einstakri vandvirkni og eiga þau drýgstan þátt í vinsældum hans. Á s.l. sumri voru skráðar 2700 gistinætur hrossa í Skógarhólum, og útlit fyrir að reksturinn standi undir sér þetta árið.

Í sjóði v. áningahólfa voru í árslok 1985 kr. 585.507,88

Á þessu ári hefur verið úthlutað til:

Hestamannafélagsins Mána	kr.	50.000,-
Hestamannafélagsins Sleipnis	-	50.000,-
Hesthúsb. og heygeymslu á Hveravöllum	-	80.000,-

Auk þess er gert ráð fyrir að greiða kostnað við endurbætur á áningarhólfinu á Hveravöllum, sem laskaðist mikið í ofviðri í nóv. s.l. Engar tekjur koma í sjóðinn þetta árið enda lauk þeim frá og með 1985.

Vegna þess hversu ferðamál hestamanna eru áhugaverð og vaxandi, þá kaus stjórn L.H. að um þau yrði fjallað sérstaklega á þessu ársþingi og til þess fengnir sérstakir framsögumenn, Birgir Þorgilsson frá Ferðamálaráði, Kristján Guðmundsson f.h. hestamanna og Þóroddur Þóroddsson frá Náttúruverndarráði.

HROSSASALA - ÚTFLUTNINGUR 1986

Átak Búvörudeildar SÍS og Félags hrossabænda.

Oft er rétt um að erlendi markaðurinn sé að dragast saman og lítil eftirspurn sé eftir hrossum héðan beint á síðustu árum. Vissulega hefur markaðurinn dregist saman, en lítið hefur verið gert til að auka hann eða endurvekja. Nefna má þó nokkur dæmi sem eru til þess fallin að auka markað að nýju, og hafa lyft verslun upp á við á nýjan leik.

Það nýjasta í útflutningsmálum og sölu hrossa úr landi, er tilraun Búvörudeildar SÍS og Félags hrossabænda, að senda utan hross með skipi. Búvörudeild Sambandsins og félag hrossabænda taka á þennan hátt upp samvinnu um að lyfta útflutningi hrossa upp úr þeirri lægð sem hann hefur verið í um langan tíma, og veita erlendum kaupendum og innlendum aðilum möguleika á ódýrari flutningi en áður hefur þekkt.

Söluskrá - sölupjónusta.

Félag hrossabænda leitar eftir því frá bændum að öll hross komi inn á söluskrá sem sé tilbúin eigi síðar en í endaðan febrúar. Þessi skrá veiti upplýsingar um ætt hestsins, verð hans og gæði og eiganda. Söluskránni sé hægt að dreifa erlendis ef þurfa þykir. Mjög nauðsynlegt er að í henni séu allar upplýsingar sem nákvæmastar.

Ferðamálin og landsmótið hefur haft áhrif á sölu og kynningu og ber að nýta þá möguleika meira til framgangs í sölu hesta úr landi. Óvenju mikið er um ferðalög á hestum og nýtur sú atvinnugrein vaxandi vinsælda.

Á þessu stigi er Ameríkumarkaður óskrifað blað, þótt ýmislegt bendi til aukins áhuga. Rétt er þó að hafa í huga að sókn á þeim markaði er erfið og ekki jafn auðveld í byrjun og Evrópumarkaðir. Álitnið er að næstu tvö ár hljóti að skera úr um framhald.

Flugleiðir og Eimskip hafa eflst í sínum flutningum miðað við þær aðstæður sem við höfum átt við að búa. Erlend flugfélög hafa áhuga á samvinnu á þessum sviðum og eru þau mál í athugin.

Þegar þetta er skrifað, er verið að undirbúa útflutning á hestum með skipi í hafnir til Noregs, Danmerkur og Belgíu. Allt að 200 reiðhestar verða þá fluttir út auk 200-300 hross til afsláttar.

Sýnt er að þegar tekist hefur að lækka flutningskostnað og umsýslukostnað hér innanlands hefur markaður erlendis strax aukist. Veruleg eftirspurn hefur verið eftir hestum í Noregi, Svíþjóð, Danmörku auk Þýskalands og annarra Evrópulanda. Strax og hægt er að hafa skipulega kynningu og þjónustu við hestakaupmenn og áhugafólk erlendis er sýnt að áhugi og eftirspurn eykst.

Það sem af er þessu ári hafa verið flutt út af Búvörudeild 330 reiðhross og 52 sláturhross, 382 alls.

Skipting á útflutningi Búvörudeildar er þannig:

Skipting á ýmis lönd frá 1/1 86 - 30/8 86.

Noregur	45
Danmörk	110
Svíþjóð	98
Finnland	1
Þýskaland	60
Holland	6
Austurríki	2
Swiss	1
Bretland	1
U.S.A.	6
	330
Sláturhross	52
Alls	382

Aðrir aðilar hafa einnig flutt út hross sem gætu verið um 20-30 reiðhross alls.

Í heild hafa mál próast þannig að allveruleg aukning hefur orðið eða 100% í fjölda og verðmætataukning reiðhesta er nú þreföld miðað við árið í fyrra. Aukning í verðmætum er 202% frá árinu áður, sem þýðir að hvert hross hefur hækkað að meðaltali um 54% í verði sé miðað við sama tíma 1985 í verðmæti.

Átak Félags hrossabænda og Búvörudeildar hefur því þegar borið góðan árangur og gefur fyrirheit um að þessi mál séu í góðri þróun og vissulega ástæða til að efla á allan hátt.

REKSTRARREIKNINGUR ÁRSINS 1985

LANDSSAMBAND HESTAMANNAFÉLAGA

Skýr.

<u>Tekjur:</u>	1985	1984
3) Árgjöld sambandsfél. Kr.961.520.00		
Hl.árgj.v.Reiðhallarb. " 240.380.00	Kr. 1.201.900.00	Kr. 852.480.00
Reiðskólastyrkur úr ríkissj.	" 40.000.00	" 25.000.00
1) Útg.smárita og filmul.(tekjur umfr.gj.).	" 12.490.75	" 0.00
4) Útgáfa blaðsins "Hestar"	" 168.305.75	" 106.187.90
Vaxtatekjur umfram vaxtagjöld	" 22.384.15	" 33.236.17
Tekjur alls	Kr. 1.445.080.65	Kr. 1.016.904.07

Gjöld:

5) Laun og launakostn. á skrifst.	Kr. 503.856.00	Kr. 426.487.00
6) Annar skrifstofukostnaður	" 340.062.55	" 291.044.70
7) Þinghald og fundir	" 174.882.05	" 80.954.65
8) Akstur og ferðakostnaður	" 131.570.10	" 99.255.70
Námskeiðahald o.þ.h.	" 2.500.00	" 39.243.50
9) Rekstur Skógarhóla	" 4.144.58	" 30.683.65
Útg.smárita og filmul.(gj.umfr.tekjur)..	" 0.00	" 74.096.00
10) Annar kostnaður	" 84.526.80	" 72.142.90
12) Afskriftir	" 20.051.00	" 20.400.00
Gjöld alls	Kr. 1.261.593.08	Kr. 1.134.308.10

Hagnaður <Halli> á rekstri	<u>Kr. 183.487.57</u>	<u>Kr. <117.404.03></u>
----------------------------	-----------------------	-------------------------------

EFNAHAGSREIKNINGUR

LANDSSAMBAND HESTAMANNAFÉLAGA

EIGNIR:

Skýr.

	1985	1984
<u>Veltufjármunir:</u>		
15) Bankainnistæður	Kr. 549.329.65	Kr. 350.952.78
17) Fyrirfr.gr.kostn.og viðsk.kröfur	" 85.057.26	" 68.770.46
18) Útistandandi reikningar	" 137.928.80	" 0.00
16) Vangr.árgjöld og skattur	" 14.861.00	" 24.481.00
Víxileignir	" 0.00	" 13.932.00
Birgðir smárita, laga, reglug. ofl.	" 200.000.00	" 90.000.00
Veltufjármunir alls	Kr. 987.176.71	Kr. 548.136.24
 <u>Fastafjármunir:</u>		
Hlutfé í Reiðhöllinni hf.	Kr. 700.000.00	Kr. 0.00
Kvikmyndir	" 200.00	" 200.00
13) Skrifstofuáhöld og innréttingar	" 43.750.00	" 32.901.00
14) Myndbandstæki og myndbönd	" 25.536.00	" 33.631.00
Girðing Hvítárnesi	" 2.200.00	" 2.200.00
Skógarhólar, hús (fasteignamat)	" 91.000.00	" 55.000.00
Skógarhólar, endurb.á aðstöðu	" 92.000.00	" 0.00
Fastafjármunir alls	Kr. 954.686.00	Kr. 123.932.00
 EIGNIR ALLS	Kr. 1.941.862.71	Kr. 672.068.24

PR. 31. DESEMBER 1985

LANDSSAMBAND HESTAMANNAFÉLAGA

SKULDIR OG EIGIÐ FÉ:

Skýr.

	1985	1984
<u>Skuldir:</u>		
19) Ógr. kostnaður og viðskiptaskuldir	Kr. 279.847.20	Kr. 44.835.00
Ógfr. árgjöld	" 0.00	" 2.039.00
Samþ.víxlar	" 108.736.00	" 0.00
Skuldabréf v/hlutabréfakaupa	" 455.336.00	" 0.00
	Kr. 843.919.20	Kr. 46.874.00
<u>Áningarsjóður:</u>		
2) Óráðstafaður beitaraskattur	" 585.507.88	" 332.179.18
Skuldir og áningarsjóður alls	Kr. 1.429.427.08	Kr. 379.053.18
 <u>Eigið fé:</u>		
20) Óráðstafað eigið fé	Kr. 512.435.63	Kr. 293.015.06
Eigið fé alls	Kr. 512.435.63	Kr. 293.015.06
 SKULDIR OG EIGIÐ FÉ ALLS	Kr. 1.941.862.71	Kr. 672.068.24

Reykjavík, 23.september 1986

Gunnar B. Gunnarsson
Gunnar B. Gunnarsson

Við undirritaðir kjörnir endurskoðendur Landssambands hestamannafélaga, höfum yfirfarið ársreikning Landssambandsins fyrir árið 1985.

Við teljum að ársreikningurinn gefi glögga mynd af rekstri Landssambandsins árið 1985 og efnahag þess 31.12.1985 og mælum því með samþykkt hans.

Reykjavík, 23.september 1986.

Haraldur Sveinsson *Þorvaldur Þorvaldsson*
Haraldur Sveinsson Þorvaldur Þorvaldsson

"Hesturinn okkar"

REKSTRARREIKNINGUR 1985

"Hesturinn okkar"

<u>Tekjur:</u>	1985	1984
8) Áskrift og lausasala	Kr. 1.538.469.05	Kr. 1.106.573.00
Auglýsingar	" 204.000.00	" 112.800.00
Vaxtatekjur af bankareikningum	" 137.943.73	" 74.617.79
Tekjur alls	Kr. 1.880.412.78	Kr. 1.293.990.79
<u>Gjöld:</u>		
Setning, prentun, umbrot	Kr. 1.200.236.00	Kr. 784.448.00
Myndir	" 11.800.00	" 11.400.00
Innheimta og dreyfing	" 80.593.00	" 83.674.94
2) Launa, ferða-og símak.(starfsm.og ritn.)	" 373.966.00	" 233.193.00
Tölvuvinnsla	" 8.788.00	" 11.341.00
3) Húsaleiga og skrifst.kostn.	" 120.468.05	" 77.377.00
Kostn.v/25 ára afm. H.O.	" 16.075.00	" 0
Auglýsingar	" 12.250.00	" 15.525.00
Annar rekstrarkostnaður (ritlaun v/sögu L.H.)	" 15.000.00	" 9.519.00
Afskriftir áhalda	" 4.882.00	" 4.882.70
Gjöld alls	Kr. 1.844.058.05	Kr. 1.231.360.64
Tekjur umfram gjöld	Kr. 36.354.73	Kr. 62.630.15

"Hesturinn okkar"

EFNAHAGSREIKNINGUR

"Hesturinn okkar"


EIGNIR:

<u>Veltufjármunir:</u>	1985	1984
Spb. nr. 36610 í Spsj.Rvk.og nágr.	Kr. 763.125.78	Kr. 776.795.11
Ávr. nr.24575 " " " "	" 88.564.92	" 103.249.95
4) Útistandandi auglýsingar	" 195.800.00	" 117.800.00
5) Útistandandi áskriftir	" 120.000.00	" 132.000.00
Veltufjármunir alls	Kr. 1.167.490.70	Kr. 1.129.845.06
<u>Fastafjármunir:</u>		
6) Áhöld á skrifstofu	Kr. 22.888.00	Kr. 27.770.00
	Kr. 22.888.00	Kr. 27.770.00
Eignir alls	Kr. 1.190.378.70	Kr. 1.157.615.06

SKULDIR OG EIGIÐ FÉ:

<u>Skammtímaskuldir:</u>		1985	1984
7) Ógreiddur kostnaður	Kr.	505.246.05	Kr. 508.837.14
Skuldir alls	Kr.	505.246.05	Kr. 508.837.14
<u>Eigið fé:</u>			
Óráðstafað eigið fé 1/1.1985	Kr.	648.777.92	
Hagnaður skv. rekstrarreikningi	"	36.354.73	
Eigið fé alls	Kr.	685.132.65	Kr. 648.777.92
Skuldir og eigið fé alls	Kr.	1.190.378.70	Kr. 1.157.615.06

Reykjavík, 16. október 1986


Gunnar B. Gunnarsson


Við undirritaðir kjörnir endurskoðendur L.H., höfum yfirfarið framanskráðan ársreikning Hestsins okkar fyrir árið 1985.

Við höfum sannreynt að tilfærðar bankainnistæður eru fyrir hendi.

Við teljum, að ársreikningurinn, sem samanstendur af rekstrarreikningi ársins 1985, efnahagsreikningi pr.31.12.1985, skýringum og sundurliðunum nr. 1-8, gefi glögga mynd af rekstri blaðsins árið 1985, og stöðu þess í árslok. Við mælum því með samþykkt hans.

Reykjavík, 16. október 1986


Haraldur Sveinsson


Þorvaldur Þorvaldsson

Argjöld og beitarsk. skv. uppgjöri til L.H. 1985.

	Félagsmenn	Argjöld	Beitarskattur	Alls
Andvari	136	Kr. 23.120.-	Kr. 7.072.-	Kr. 30.192.-
Blakkur	50	" 8.500.-	" 2.600.-	" 11.100.-
Blær	45	" 7.650.-	" 2.340.-	" 9.990.-
Dreyri	200	" 34.000.-	" 10.400.-	" 44.400.-
Faxi	256	" 43.520.-	" 13.312.-	" 56.832.-
Fákur	806	" 137.020.-	" 41.912.-	" 178.932.-
Feykir	59	" 10.030.-	" 3.068.-	" 13.098.-
Félag tamningamanna	88	" 14.960.-	" 4.576.-	" 19.536.-
Freyfaxi	233	" 39.610.-	" 12.116.-	" 51.726.-
Funi	78	" 13.260.-	" 4.056.-	" 17.316.-
Geysir	366	" 62.220.-	" 19.032.-	" 81.252.-
Glaður	133	" 22.610.-	" 6.916.-	" 29.526.-
Glófaxi	41	" 6.970.-	" 2.132.-	" 9.102.-
Glæsir	81	" 13.770.-	" 4.212.-	" 17.982.-
Gnýfari	62	" 10.540.-	" 3.224.-	" 13.764.-
Goði	40	" 6.800.-	" 2.080.-	" 8.880.-
Grani	92	" 15.640.-	" 4.784.-	" 20.424.-
Gustur	351	" 59.670.-	" 18.252.-	" 77.922.-
Háfeti	71	" 12.070.-	" 3.692.-	" 15.762.-
Hornfirðingur	117	" 19.890.-	" 6.084.-	" 25.974.-
Hringur	112	" 19.040.-	" 5.824.-	" 24.864.-
Hörður	325	" 55.250.-	" 16.900.-	" 72.150.-
Kinnskær	40	" 6.800.-	" 2.080.-	" 8.880.-
Kópur	113	" 19.210.-	" 5.876.-	" 25.086.-
Léttfeti	163	" 27.710.-	" 8.476.-	" 36.186.-
Léttir	315	" 53.550.-	" 16.380.-	" 69.930.-
Ljúfur	78	" 13.260.-	" 4.056.-	" 17.316.-
Logi	128	" 21.760.-	" 6.656.-	" 28.416.-
Máni	131	" 22.270.-	" 6.812.-	" 29.082.-
Neisti	96	" 16.320.-	" 4.992.-	" 21.312.-
Óðinn	50	" 8.500.-	" 2.600.-	" 11.100.-
Seyður	20	" 3.400.-	" 1.040.-	" 4.440.-
Sleipnir	302	" 51.340.-	" 15.704.-	" 67.044.-
Smári	270	" 45.900.-	" 14.040.-	" 59.940.-
Snarfari	46	" 7.820.-	" 2.392.-	" 10.212.-
Sindri	165	" 28.050.-	" 8.580.-	" 36.630.-
Snæfellingur	234	" 39.780.-	" 12.168.-	" 51.948.-

Argjöld og beitarsk. skv. uppgjöri til L.H 1985.

	Félagsmenn	Argjöld	Beitarskattur	Alls
Snæfaxi	62	Kr. 10.540.-	Kr. 3.224.-	Kr. 13.764.-
Stígandi	188	" 31.960.-	" 9.776.-	" 41.736.-
Stormur	120	" 20.400.-	" 6.240.-	" 26.640.-
Svaði	66	" 11.220.-	" 3.432.-	" 14.652.-
Sörli	305	" 51.850.-	" 15.860.-	" 67.710.-
Trausti	114	" 19.380.-	" 5.928.-	" 25.308.-
Þjálfí	138	" 23.460.-	" 7.176.-	" 30.636.-
Þráinn	67	" 11.390.-	" 3.484.-	" 14.874.-
Þytur	117	" 19.890.-	" 6.084.-	" 25.974.-
Samtals	7070	Kr.1.201.900.-	Kr. 367.640.-	Kr. 1.569.540.-

(Argjald fyrir hvern félag Kr. 170.- og beitarskattur Kr. 52.-).

HVAR HAFÁ ÁRSPING L.H. VERIÐ HALDIN?

1.	1949	í	Reykjavík
2.	1951	í	Reykjavík
3.	1952	á	Sauðárkróki
4.	1953	í	Faxaborg
5.	1954	á	Akureyri
6.	1955	á	Hellu
7.	1956	í	Reykjavík
8.	1957	á	Egilsstöðum
9.	1958	í	Reykjavík
10.	1959	í	Reykjavík
11.	1960	á	Akureyri
12.	1961	í	Hlégarði, Mosf.
13.	1962	í	Borgarnesi
14.	1963	á	Flúðum, Árn.
15.	1964	á	Sauðárkróki
16.	1965	á	Hvolsvelli
17.	1966	á	Höfn, Hornaf.
18.	1967	á	Blönduósi
19.	1968	í	Reykjavík
20.	1969	í	Búðardal
21.	1970	á	Egilsstöðum
22.	1971	á	Selfossi
23.	1972	í	Aratungu, Árn.
24.	1973	í	Borgarnesi
25.	1974	á	Akureyri
26.	1975	í	Ytri-Njarðvík
27.	1976	á	Höfn, Hornaf.
28.	1977	í	Heiðarborg, Borg.
29.	1978	í	Kópavogi
30.	1979	á	Flúðum, Árn.
31.	1980	á	Húsavík
32.	1981	í	Stykkishólmi
33.	1982	í	Hlégarði, Mosf.
34.	1983	í	Borgarnesi
35.	1984	í	Hafnarfirði
36.	1985	á	Akureyri
37.	1986	á	Egilsstöðum

Samtals:

í Reykjavík	6 sinnum	á Blönduósi	1 sinni
í Borgarfirði	5 sinnum	í Búðardal	1 sinni
í Árnessýslu	4 sinnum	í Ytri-Njarðvík	1 sinni
á Akureyri	4 sinnum	í Kópavogi	1 sinni
á Egilsstöðum	3 sinnum	á Húsavík	1 sinni
í Mosfellssveit	2 sinnum	í Stykkishólmi	1 sinni
á Höfn í Hornaf.	2 sinnum	í Hafnarfirði	1 sinni
í Rangárvallasýslu	2 sinnum		
á Sauðárkróki	2 sinnum		

Árin 1951-1957 voru þingin haldin að sumrinu í tengslum við fjórðungs-
eða landsmót. Síðan 1958 hafa þau verið haldin að hausti til.